



SLUŽBENE NOVINE

KANTONA SARAJEVO

Godina XXVII - Broj 47

Četvrtak, 24. 11. 2022. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 245. vanrednoj sjednici održanoj 11.11.2022. godine, donijela je

ODLUKU

O IZMJENI ODLUKE O KRITERIJIMA ZA PRIJEM UČENIKA U PRVI RAZRED SREDNJIH ŠKOLA KANTONA SARAJEVO

I

U Odluci o kriterijima za prijem učenika u prvi razred srednjih škola Kantona Sarajevo ("Službene novine Kantona Sarajevo", broj 20/22 i 24/22), u članu 18. stav (2), dio teksta: "31. decembar" mijenja se i glasi: "30. novembar".

II

Ova odluka stupa na snagu danom donošenja i objavit će se u "Službenim novinama Kantona Sarajevo".

Broj 02-04-46396-1/22

11. novembra 2022. godine

Sarajevo

Premijer

Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i Zaključka Vlade Kantona Sarajevo, broj 02-04-79-7.1/22 od 06.01.2022. godine, Vlada Kantona Sarajevo, na 245. vanrednoj sjednici održanoj 11.11.2022. godine, donijela je

ODLUKU

O DAVANJU SAGLASNOSTI JAVNOJ USTANOVI MUZEJ SARAJEVA ZA POPUNU UPRAŽNJENIH RADNIH MJESTA

I

Daje se saglasnost Javnoj ustanovi Muzej Sarajeva za popunu dva (2) radna mjesta na neodređeno vrijeme u skladu sa

procedurama i uslovima utvrđenim važećim propisima i opštim aktima ustanove, i to:

- Kustos za Jevrejsku zbirku, VSS (VII stepen stručne spreme) ili prvi (180 ECTS) ili drugi (300 ECTS) ciklus bolonjskog sistema studiranja, Filozofski fakultet grupa historija, etnologija - jedan (1) izvršilac,
- Domar - domaćin objekta, SSS, SSS ili VKV - elektro-mašinskog, tehničkog usmjerenja - jedan (1) izvršilac.

II

Javna ustanova Muzej Sarajeva je dužna da resornom ministarstvu dostavi svu dokumentaciju potrebnu za realizaciju ove odluke.

III

Zadužuju se Ministarstvo kulture i sporta Kantona Sarajevo i Ministarstvo finansija Kantona Sarajevo da vrše nadzor nad realizacijom ove odluke.

IV

Stupanjem na snagu ove odluke prestaje sa važenjem Odluka Vlade Kantona Sarajevo, broj 02-04-35541-18/22 od 15.09.2022. godine.

V

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-46396-2/22

11. novembra 2022. godine

Sarajevo

Premijer

Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 8. stav (1) Zakona o lijekovima ("Službene novine Federacije BiH", broj 109/12), a u vezi sa tačkom V i XXIX Odluke o listi lijekova Kantona Sarajevo ("Službene novine Kantona Sarajevo", broj 43/18 i 11/21), na prijedlog ministra zdravstva, Vlada Kantona Sarajevo, na 101. sjednici održanoj 10.11.2022. godine, donijela je

**ODLUKU
O IZMJENAMA I DOPUNAMA ODLUKE O LISTI
LIJEKOVA KANTONA SARAJEVO****I**

(Izmjena tačke XXVIII)

U Odluci o listi lijekova Kantona Sarajevo ("Službene novine Kantona Sarajevo", broj 43/18 i 11/21), u tački XXVIII stav (1) alineja a), b) i c), svi dosadašnji prilozi Liste lijekova objavljeni u "Službenim novinama Kantona Sarajevo", broj 26/21, 28/21, 30/21, 4/22, 5/22 – Ispravka, 10/22, 20/22 i 41/22), mijenjaju se sa novim objedinjenim prilozima koji su sastavni dio ove odluke, i to:

- a) A Lista lijekova Kantona Sarajevo (Prilog 1),
- b) B Lista lijekova Kantona Sarajevo (Prilog 2),
- c) Bolnička lista lijekova Kantona Sarajevo (Prilog 3) koju čine:
 - 1) Lista lijekova koji se primjenjuju u ustanovama primarnog nivoa zdravstvene zaštite na teret sredstava obaveznog zdravstvenog osiguranja;
 - 2) Lista lijekova koji se primjenjuju u stacionarnim ustanovama sa područja Kantona Sarajevo, a nabavljaju se iz tekućih sredstava koja im doznači Zavod zdravstvenog osiguranja Kantona Sarajevo.
- d) Magistralna lista lijekova Kantona Sarajevo (Prilog 4).

II

(Dopuna Priloga 1. A Lista lijekova)

U Prilogu 1. A Liste lijekova vrši se dopuna postojećih lijekova nifuroksazid i bisoprolol sa sljedećim jačinama i oblicima domaćeg proizvođača Farmavita d.o.o Sarajevo, čime postaju sastavni dio Priloga 1. A liste lijekova Kantona Sarajevo iz tačke I ove odluke, i to:

- a) Nifuroksazid - Laxid capsule 100 mg, 30 kapsula, Farmavita d.o.o Sarajevo,
- b) Nifuroksazid - Laxid capsule 200 mg, 20 kapsula, Farmavita d.o.o Sarajevo,
- c) Bisoprolol Cardiol film tablete 10 mg, 30 film tableta, Farmavita d.o.o Sarajevo.

III

(Dopuna Priloga 2. B Lista lijekova)

U Prilogu 2. B Liste lijekova vrši se i dopuna postojećih lijekova atorvastatin i venlafaksin sa jačinama i oblicima domaćeg proizvođača Farmavita d.o.o Sarajevo, čime postaju sastavni dio Priloga 2. B liste lijekova Kantona Sarajevo iz tačke I ove odluke, i to:

- a) Atorvastatin - Lipostat film tablete 10 mg, 30 film tableta, Farmavita d.o.o Sarajevo,
- b) Atorvastatin - Lipostat film tablete 20 mg, 30 film tableta, Farmavita d.o.o Sarajevo,
- c) Atorvastatin - Lipostat film tablete 40 mg, 30 film tableta, Farmavita d.o.o Sarajevo,
- d) Venlafaksin-Vexana tablete 37,5 mg 30 tableta, Farmavita d.o.o Sarajevo,
- e) Venlafaksin-Vexana tablete 50 mg 30 tableta, Farmavita d.o.o Sarajevo,
- f) Venlafaksin-Vexana tablete 75 mg 30 tableta, Farmavita d.o.o Sarajevo.

IV

(Dopuna Priloga 2. B Lista lijekova i izmjena cijene)

Za postojeći lijek na B listi lijekova latanoprost dodaje se proizvođač Jadran galenski laboratorij sa lijekom Latanox-kapi za oko, otopina 50 mcg/ml 2,5 ml, čime postaje sastavni dio Priloga 2 B lista lijekova Kantona Sarajevo iz tačke I ove odluke.

V

(Dopuna Priloga 3. Bolnička lista lijekova)

U prilogu 3. Bolnička lista lijekova u Listi lijekova koji se primjenjuju u ustanovama primarnog nivoa zdravstvene zaštite na teret sredstava obaveznog zdravstvenog osiguranja dodaje se lijek proizvođača Aspen Notre Dame de Bondeville, Francuska Limited sa lijekom Fondaparinuks - Arixtra rastvor za injekciju u napunjenoj šprici 2,5 mg/0,5 ml, 10 napunjenih šprica po 0,5 ml rastvora, čime postaje sastavni dio Priloga 3. Bolnička lista lijekova Kantona Sarajevo iz tačke I ove odluke.

VI

(Stupanje na snagu)

Stupanjem na snagu ove odluke, prestaju da važe izmjene priloga navedenih Odlukom o izmjenama i dopunama Odluke o Listi lijekova Kantona Sarajevo ("Službene novine Kantona Sarajevo", broj 48/18, 26/21, 28/21, 30/21, 4/22, 5/22 - Ispravka, 10/22, 20/22 i 41/22).

VII

Ova odluka stupa na snagu narednog dana od dana objave u "Službenim novinama Kantona Sarajevo", a početak će se primjenjivati 30 dana od dana objave u "Službenim novinama Kantona Sarajevo".

Broj 02-04-45780-4/22

10. novembra 2022. godine
SarajevoPremijer
Edin Forto, s. r.